

# ***Makinaria***

**Carlos Negro**

ROEDORES DO CAUCHO

Chegan da noite queimando goma,  
flipados de euforia e decibelios,  
coa gasolina inxectada en vea.  
Logo, malotes de discoteca,  
descenden do carro maqueado,  
co seu toque de bakala na fala,  
arrastrando o ese como serpes,  
coa roupa axustada ás tatuaxes,  
marcando paquete e territorio,  
feroces como galos de pelexa.  
Hoxe, drogados de adrenalina,  
eternamente con dezaoito anos,  
sóñanse duros e invisibles,  
alleos ao tributo do destino:  
irán ficando aos poucos na cuneta,  
coa morte a rondar o seu cerebro,  
as neuronas gripadas para sempre.

Carlos Negro, *Makinaria* (Editorial Xerais, 4ª edición, 2015; ISBN: 978-84-9782 553-5)